

պատմէ Թաթարաց Չարմա - ղանի Անեցւոց տուած կոտորածը, և նոցա փախուստը յԱխսարայ, որ էր 'ի մէջ Աթտերխանի և Ղազանի. և անտի՝ յԱխսարայէ 'ի Թէոդոսիա շուելը Անեցւոց 1330 ին: Սակայն օտարաց՝ նոյն իսկ և ազգիս յիշատակք՝ այդ աշխարհաց մէջ ցիր և ցան, յայտնի կը ցուցընեն՝ որ քան զայդ թուականը շատ առաջ եղած են գաղթականութիւնք 'ի Հայաստանէ 'ի Ռուսաստան 'ի Լեհո և 'ի Ղրիմ:

Քարամզին¹ Ռուսաց պատմահայրը կը գրէ՝ որ Ղազան քաղաքէն 90 վերստ հեռուն, երբեմն Բուլղար կոչուած քաղաքին մէջ՝ գտնուած են հայ արձանագրութիւնք. այժմ՝ այն քաղաքին տեղ կայ Սիլիթրեաննը անունով քաղաքը: Օտեսսայի Հնագիտական Յիշատակարանաց Ե հատորին մէջ, 'ի Ժ դարու կ'ըսուի Հայոց գաղթականութիւնը Սև ծովուն և Վուկա և Տնբեր գետոց եզերաց վրայ: Հին և թերակատար յունարէն գրուած Յայսմաւուր մի կը գրէ որ 1292 ին 'ի Սուտաղ Տաւրիոյ բնակող Հայք՝ համարէն քրիստոնէից հետ 'ի միասին տօնած չեն Ձատիկը, այլ մուրած են (Մուագատիկ):

Հնագէտն Անտոնի, ինչպէս յիշեցինք քիչ առաջ կը գրէ՝ որ Հայոց առաջին գաղթականութիւնը 'ի Հայաստանէ դէպ 'ի Ռուսաստան պատահած է 1009 ին, հրաւիրեալ 'ի Նախարարաց Քիելի յաջակցութիւն ընդդէմ պատերազմաց Խրոխտն Բոլեսլաւի՝ որ յարձակմամբ ոտնակոխ կ'առնէր նոցա երկիրը: Ի 1062 դարձեալ Քիելի Նախարարն Թէոդորոս Դէմետրեան (Տիմթրիեւիչ) յօգ-

1. Ե հատոր Օտեսսայի Հնագիտական Յիշատակարանաց: